

**KJKP „VODOVOD I KANALIZACIJA“ d.o.o. SARAJEVO  
DIREKTOR  
Izvod broj: 71/18-lot 7**

Sarajevo, 11.01. 2019. godine

Na osnovu člana 69. stav (2) tačka d) i člana 70. stav 1. 3. i 6. Zakona o javnim nabavkama (Sl. glasnik BiH br. 39/14) ), člana 27. Pravilnika o nabavci roba, vršenju usluga i ustupanju radova KJKP „Vodovod i kanalizacija“ d.o.o. Sarajevo, te člana 41. Statuta preduzeća, na preporuku Komisije za javnu nabavku broj 71/18 –lot 7 od 26.12.2018. godine, u postupku javne nabavke br. 71/18 lot 7 „Bunarski pumpni agregati za bunar MB12 – Izvorište Bačevo; bunar SKB5 –izvorište Sokolovići “, donosi se :

## **O D L U K A**

o poništenju postupka javne nabavke

### **Član 1.**

Poništava se postupak javne nabavke broj 71/18 lot 7 za nabavku roba: „**Bunarski pumpni agregati za bunar MB12 – Izvorište Bačevo; bunar SKB5 –izvorište Sokolovići “** iz razloga što nijedna od primljenih ponuda nije prihvatljiva a sve u skladu sa odredbama člana 69. stav (2) tačka d) Zakona o javnim nabavkama.

### **Član 2.**

Ova odluka objavit će se na web stanici: [www.viksa.ba](http://www.viksa.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

### **Član 3.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

## **O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj 71/18 od 07.06.2018. godine.

Javna nabavka je provedena putem otvorenog postupka nabavke.

Procijenjena vrijednost javne nabavke za lot 7 bez PDV-a iznosi: 170.000,00 KM.

Obavještenje o nabavci broj 247-1-1-142-3-221/18 objavljeno je na Portalu javnih nabavki dana 11.06.2018. godine, a sažetak obavještenja o nabavci je objavljen u Sl. glasniku BiH broj 40. od 15.06.2018.godine.

Komisija za javne nabavke je imenovana Rješenjem br. 18-12-01/17 od 18.12.2017 godine, Rješenjem br. 23-02-01/18 od 23.02.2018.godine godine i dodatni članovi komisije imenovani dopunskim Rješenjem br. 71/18-1 od 07.06.2018.godine.

Za predmetnu javnu nabavku dostavljene su četiri (4) ponude ponuđača:

1. Ponuđač; „HIDRO TERMO CENTAR“ d.o.o. Sarajevo,
2. Ponuđač; „ELEKTRO UNIVERZAL“ d.o.o. Tuzla,
3. Ponuđač; „ECOS“ d.o.o. Vitez,
4. Ponuđač; „ETAL BH“ d.o.o. Sarajevo.

Navedeni ponuđači su preuzeli tendersku dokumentaciju sa portala javnih nabavki i samim tim ostvarili pravo učešća u postupku.

Dostavljanje zapisnika sa otvaranja ponuda izvršeno je prema ponuđačima u zakonskom roku. Konstatovano je da je Zapisnik sa otvaranja ponuda dostavljen svim učesnicima u postupku javne nabavke dana: 02.08.2018. godine, te da od strane istih u zakonom predviđenom roku nije izjavljena žalba ugovornom organu.

Nakon izvršenog otvaranja ponuda Komisija za javne nabavke je dana: 31.07.2018. godine pristupila pregledu i ocjeni pristiglih ponuda u formalnom smislu: oblika ponude (numeracija, uvezivanje i dr.), cjelovitosti odnosno potpunosti ponuda, dokumentacije priložene uz ponude u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji, pregleda ostale zahtjevano dokumentacije, aneksa-priloga i pregleda ponuda sa aspekta postavljenih tehničkih zahtjeva u pogledu opisa predmeta nabavke i tehničke specifikacije o čemu je dana: 10.09.2018. godine sačinila Zapisnik o pregledu i ocjeni ponuda i Preporuku o izboru najpovoljnijeg ponuđača. Na osnovu preporuke Komisije za javne nabavke, Ugovorni organ je dana 03.10.2018. godine donio Odluku o izboru najpovoljnijeg ponuđača broj: 71/18-lot 7, kojom je za najpovoljnijeg ponuđača odbran ponuđač: „Elektro Univerzal“ d.o.o. Tuzla.

Na odluku o izboru najpovoljnijeg ponuđača uložena je žalba od ponuđača: „ETAL BH“ d.o.o. Sarajevo. Rješenjem Ureda za razmatranje žalbi BiH broj: JH2-01-07-1-611-7/18 od 04.12.2018. godine, žalba je usvojena kao osnovana, poništen je akt ugovornog organa – Odluka o izboru najpovoljnijeg ponuđača broj: 71/18-lot 7 od 03.10.2018. godine, te predmet vraćen ugovornom organu na ponovni postupak.

Postupajući prema navedenom Rješenju URŽ-a, Komisija za javne nabavke je izvršila ponovni pregled i ocjenu dostavljenih ponuda, te konstatovala slijedeće:

Komisija je utvrdila da dostavljene ponude ponuđača „Hidro-Termo-Centar“ d.o.o. Sarajevo, „Ecos“ d.o.o. Vitez i „Etal BH“ d.o.o. Sarajevo ispunjavaju zahtjevano tenderske uslove prema obliku i potpunosti u smislu pripreme ponuda.

Uvidom u ponudu ponuđača: „Elektro Univerzal“ d.o.o. Tuzla, konstatovano je da dokument ponude: „Popis dostavljenih dokumenata, izjava i obrazaca sa nazivima istih“, nije numerisan i da tek nakon njega, dokumentacija ponude počinje sa rednim brojem 1., te da ne postoji kontinuitet numerisanja. Navedeno se ne može smatrati manjim odstupanjem u skladu sa tačkom 17.1.3. TD. Shodno navedenom, konstatovano je da ponuda ovog ponuđača ne ispunjava postavljeni uslov iz tačke 17.1.3. TD. Zbog navedenog propusta, ponuda ponuđača „Elektro Univerzal“ d.o.o. Tuzla, se odbacuje kao neprihvatljiva, te ista nije bila predmet daljeg razmatranja.

Pregledom ponuda koje su zadovoljile uslove u formalnom smislu, Komisija je pristupila analizi dokumentacije priložene uz ponude u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala slijedeće:

R.br.	Zahtjevana kvalifikaciona dokumentacija	Hidro-Termo-Centar“ d.o.o. Sarajevo	„Ecos“ d.o.o. Vitez	„Etal BH“ d.o.o. Sarajevo
1.	<b>Tačka: 13 TD:</b> Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama – Aneks IV; Prilog 4.	DA	Ponuđač u dostavljenoj izjavi iz čl.45 nije upisao broj i naziv postupka što je bio obavezan učiniti čime nije ispunjen uslov iz TD.	DA
2.	<b>Tačka: 14.1 TD:</b> Izjava o ispunjenosti uslova iz člana 47. st. (1) tačka a) i (4) Zakona o javnim nabavkama – Aneks V; Prilog 5.	DA	Ponuđač u dostavljenoj izjavi iz čl.47 nije upisao broj i naziv postupka što je bio obavezan učiniti čime nije ispunjen uslov iz TD.	DA
2.1	<b>Tačka: 14.1 TD: pod a)</b> Potvrda banke o aktivnosti transakcijskog računa koja nije starija od tri mjeseca računajući od dana dostavljanja ponude.	DA	DA	DA
3.	<b>Tačka: 14.3 TD: pod a)</b> Original ili ovjerenu fotokopiju Aktuelnog izvoda iz sudskog registra ovjerenu od strane nadležnog organa – (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje	DA	DA	DA

R.br.	Zahtjevana kvalifikaciona dokumentacija	Hidro-Termo-Centar“ d.o.o. Sarajevo	„Ecos“ d.o.o. Vitez	„Etal BH“ d.o.o. Sarajevo
	u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesonalnu djelatnost, koja je u vezi sa predmetom nabavke.			

Komisija je konstatovala da ponuđač „Ecos“ d.o.o. Vitez u dostavljenoj Izjavi o ispunjenosti uslova iz člana 45. stav (1) tačaka od a) do d) Zakona o javnim nabavkama – Aneks IV; Prilog 4., i Izjavi o ispunjenosti uslova iz člana 47. st. (1) tačka a) i (4) Zakona o javnim nabavkama – Aneks V; Prilog 5., nije upisao broj i naziv postupka za koji su izjave date. Konstatovano je da u zaglavlju Izjave o ispunjenosti uslova iz člana 45. stav (1) tačaka od a) do d) Zakona o javnim nabavkama – Aneks IV; Prilog 4., i Izjave o ispunjenosti uslova iz člana 47. st. (1) tačka a) i (4) Zakona o javnim nabavkama – Aneks V; Prilog 5., nisu popunjeni podaci koji se odnose na predmet nabavke i naziv Ugovornog organa, zbog čega Komisija konstatuje da ne postoji dovoljno podataka na osnovu kojih se može utvrditi da se navedene izjave odnose na predmetni postupak nabavke, te se navedeno odstupanje ne može smatrati manjim odstupanjem koje ne utiče na valjanost ponude, čime nisu ispunjeni uslovi iz tačke **17.1 TD Način izrade ponude** gdje je jasno navedeno da ponuđači pripremaju ponudu u skladu sa uputstvima i zahtjevima iz tenderske dokumentacije.

Obzirom na navedeno, konstatovano je da ponuda ponuđača „Ecos“ d.o.o. Vitez ne ispunjava zahtjeve ugovornog organa koji su traženi tenderskom dokumentacijom, zbog čega se ponuda ovog ponuđača odbacuje kao neprihvatljiva a sve u skladu sa odredbama člana 68. stav (4), tačka i) Zakona o javnim nabavkama.

Komisija konstatuje da ponuđači „Hidro-Termo-Centar“ d.o.o. Sarajevo i „Etal BH“ d.o.o. Sarajevo ispunjavaju kvalifikacione uslove, obzirom na iskazane zahtjeve ugovornog organa u tenderskoj dokumentaciji.

R.br.	Ostala zahtjevana dokumentacija/aneksi-prilozi	Hidro-Termo-Centar“ d.o.o. Sarajevo	„Etal BH“ d.o.o. Sarajevo
1.	<b>Tačka: 15 TD:</b> Pismena izjava ponuđača iz člana 52. Zakona o javnim nabavkama – Aneks VIII; Prilog 6.	DA	DA
2.	<b>Tačka: 16 TD:</b> Obrazac za ponudu – Aneks II; Prilog 1.	DA	DA
2.1	<b>Tačka: 16 TD:</b> Popis dokumenata uz ponudu koji čini sadržaj ponude – Aneks II; Prilog 1	DA	DA
3.	<b>Tačka: 16 TD: pod brojem 3.</b> Obrazac za obim isporuke – Prilog 3.	DA	DA
4.	<b>Tačka: 16 TD: pod brojem 9.</b> <b>Ostalo traženo u tenderskoj dokumentaciji:</b> Ponuda treba da sadrži tehničku dokumentaciju (za svaki pumpni agregat pojedinačno) koja sadrži slijedeće: - detaljne hidrauličke karakteristike,(Q-	Nije u skladu sa zahtjevima iz TD	Nije u skladu sa zahtjevima iz TD

R.br.	Ostala zahtjevana dokumentacija/aneksi-prilozi	Hidro-Termo-Centar“ d.o.o. Sarajevo	„Etal BH“ d.o.o. Sarajevo
	H,Q-η,Q-NPSH,Q-N) - tip, mehaničke i hidrauličke karakteristike nep.ventila - pregled ugrađenih materijala osnovnih elemenata pumpa+motor - ugradbene mjere pumpa+motor - crtež i dimenzije usisnog plašta - materijal usisnog plašta		
5.	<b>Tačka: 20 TD:</b> Obrazac za cijenu ponude – Aneks III; Prilog 2	DA	DA
6.	<b>Tačka: 31 i 36 TD:</b> Nacrt ugovora o javnoj nabavci – Prilog 8.	DA	DA
7.	<b>Tačka: 43 TD:</b> Povjerljive informacije – Prilog 7.	DA	DA

Komisija je konstatovala da je ponuđač „Etal BH“ d.o.o. Sarajevo u dostavljenoj ponudi uradio ispravke koje je izvršio u skladu sa tačkom **17.1.5 tenderske dokumentacije „Ispravke u ponudi“** gdje je naveden način vršenja ispravki. Navedene ispravke su urađene na strani broj 5. ponude Popis dostavljenih dokumenata, izjava i obrazaca sa nazivima istih „Obrazac za ponudu“ - Aneks II; Prilog 1., pod rednim brojem 8. na način da je precrtao tekst koji se nalazio i navedenu ispravku potvrdio potpisom, te pod brojevima 9. i 10. ispravke uređene u broju priloga na način da je korektorom uklonjen broj i preko korektora napisan novi broj. Izvršene ispravke su potvrđene svojeručnim potpisom, datumom kada su ispravke izvršene i dodatno su ovjerene pečatom ponuđača.

Daljim pregledom ponude „Etal BH“ d.o.o. Sarajevo od strane stručnih lica je konstатовano da ponuđač ne ispunjava tehničke karakteristike postavljene u tenderskoj dokumentaciji i to na stranama kako slijedi:

-na strani broj 23.ponude u tabeli „Tehnički podaci“ za poz.1.1,definiše se kao pomoćni uređaj „plašt za hlađenje“što nije traženo TD nego se traži usisni plašt , dok je na str.28 dat crtež sa tabelom gdje je naveden „rashladni-usisni plašt“, da bi na str.40 dat naziv „usisni plašt“.Obzirom da ovaj pojam nije jednoznačno definisan u predmetnoj ponudi dovodi u sumnju da li je ponuđač shvatio pojam „usisni plašt“koji je predmet nabavke i koji je tražen u TD. Također na str.23, u tabeli pod stavkom 15 za poz.1.1, nije naznačen nazivni pritisak izlaza iz pumpe,shodno radnim uslovima. Dato je „Potisna mlaznica 8“NPT/DN200 EN 1092-2“bez definisanja nazivnog pritiska.

-na strani 29. u tabeli „Tehnički podaci“ za poz.1.2,definiše se kao pomoćni uređaj „plašt za hlađenje“ što nije traženo TD nego se traži usisni plašt, dok je na str.34 dat crtež sa tabelom gdje je naveden „rashladni-usisni plašt“, da bi na str. 41. dat naziv „usisni plašt“.Obzirom da ovaj pojam nije jednoznačno definisan u predmetnoj ponudi dovodi u sumnju da li je ponuđač shvatio pojam „usisni plašt“koji je predmet nabavke i koji je tražen u TD.

-na strani 29, tačka 15 tabele za poz.1.2, nije naznačen nazivni pritisak izlaza iz pumpe, shodno radnim uslovima.Dato je „Potisna mlaznica 8“NPT/DN200 EN 1092-2“bez definisanja nazivnog pritiska.

-na strani 33. Crtež i dimenzije ISO navojne prirubnice, za poz.1.2u iscrtanoj tabeli je markiran od strane ponuđača, tip pumpe Z12420 koja nije definisana za radne uslove poz.1.2 .(vidjeti tehničke podatke str.29),nego za poz.1.1.Na osnovu navedenog nije definisano koja Iso navojna prirubnica pripada izabranoj pumpi za Poz.1.2.

Obzirom na navedeno, konstatovano je da ponuda ponuđača „Etal BH“ d.o.o. Sarajevo, ne ispunjava zahtjeve ugovornog organa koji su traženi tenderskom dokumentacijom, zbog čega se ponuda ovog ponuđača odbacuje kao neprihvatljive a sve u skladu sa članom 68. stav (4), tačka i) Zakona o javnim nabavkama.

Nakon ponovnog pregleda ponude br: 110-7/18 ponuđača: „Hidro-Termo-Centar“ d.o.o. Sarajevo utvrđeno je da su:

- na strani broj: 24/62 ponude dostavljeni podaci o dimenzijama ponuđenog pumpnog agregata, između ostalih i dimezija promjera motora i max.promjer jedinice, ali da dimenzija max.promjera jedinice nije jednoznačna sa definisanom dimenzijom ponuđenog pumpnog agregata na strani broj: 47/62 ponude.

- na strani broj 35/62 ponude dostavljeni podaci o dimenzijama ponuđenog pumpnog agregata, između ostalih i dimezija promjera motora i max.promjer jedinice, ali da dimenzija max.promjera jedinice nije jednoznačna sa definisanom dimenzijom ponuđenog pumpnog agregata na strani broj: 48/62 ponude.

Obzirom na navedeno, konstatovano je da ponuda ponuđača „Hidro Termo Centar“ d.o.o. Sarajevo ne ispunjava zahtjeve ugovornog organa koji su traženi tenderskom dokumentacijom, zbog čega se ponuda ovog ponuđača odbacuje kao neprihvatljiva a sve u skladu sa odredbama člana 68. stav (4), tačka i) Zakona o javnim nabavkama.

Polazeći od gore navedenih konstatacija i činjenice da za predmetnu nabavku nijedna od primljenih ponuda nije prihvatljiva, Komisija je utvrdila da su ispunjeni uslovi iz člana 69. stav 2. tačka d) Zakona o javnim nabavkama za poništenje postupka javne nabavke, te dala preporuku Ugovornom organu – ovlaštenom licu ugovornog organa da za predmetnu nabavku roba: „**Bunarski pumpni agregati za bunar MB12 – Izvorište Bačevo; bunar SKB5 – izvorište Sokolovići**“ – tender broj 71/18 Lot 7 donese odluku o poništenju postupka javne nabavke.

Iz gore navedenih razloga, primjenom člana 69. stav (2) tačka d) ZJN (Sl. glasnik BiH br. 39/14), donesena je Odluka o poništenju postupka kao u članu 1. ove odluke.

#### **Pouka o pravnom lijeku :**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti :

- Ponuđači
- a/a

*Handwritten signature in blue ink.*



Direktor

*Handwritten signature in blue ink: Azra Muzur*  
Azra Muzur, dipl.inž.građ.